



Nurul Hamira Abd Razak
Pembantu Pustakawan
Perpustakaan
Universiti Malaysia Pahang Al-Sultan Abdullah (UMPSA)



Karya Kreatif

Jejak Tanpa Nokhtah – Memoir Seorang Perintis

Hari ini,
Angin bertiup perlahan, seakan mengerti,
Ada satu perjalanan yang tiba di nokhtah indahny.
Bukan nokhtah perpisahan,
Tetapi tanda sebuah penghargaan,
Buat insan, yang telah menabur bakti,
Dengan hati yang tulus,
Tanpa jemu, tanpa henti.

Mungkin hari ini,
Di setiap sudut ruang kerja,
Masih terasa suara dan senyummu,
Masih terbayang langkahmu yang penuh tekun,
Menyulam masa dengan kesabaran,
Mengajar kami erti keikhlasan dan tanggungjawab.

Kini tiba masanya,
Kau menikmati damai di halaman baharu,
Namun percayalah,
Nama dan jasamu tetap terpahat,
Dalam hati kami yang pernah kau sentuh,
Dengan budi dan kasih.

Mungkin hari ini, hari esok, atau nanti,
Berjuta memori yang terpateri dalam hati ini,
Mungkin hari ini, hari esok, atau nanti,
Tak lagi saling menyapa.

Selamat bersara wahai perintis,
Semoga hari-hari mendatang dipenuhi bahagia,
Seperti mentari pagi yang tidak pernah lupa
menyinari dunia,
Walau telah lama terbit,
Tetap indah,
Tetap bermakna.

[Creative Work](#)

Jejak Tanpa Nokhtah-Memoir Seorang Perintis

26 November 2025

- 23 views

[View PDF](#)